

楹

聯

叢

話

楹聯叢話卷之六

福州梁章鉅輯

勝蹟

上

泰山雄大物博秀甲寰區惜山中楹聯殊少佳構最著者岱廟中帝出乎震人生於寅八字對仗天然足以俯視一切然是廟聯非爲全山寫照也惟牛山壘天閣有廷曜墀
郡守錄一聯云登此山一半已是壘天造絕頂千重尙多福地又雨花道院中不知何名一聯云雨不崇朝徧天下花隨流水到人間尙非俗筆

惠元

余由東泉擢藩吳中途出泰安楊磬峰太守
延余宿岱廟中是夜廟中月色如晝而絕頂白雲滃起上下竟不相蒙僉謂三日內必有霖雨適廟僧索書楹聯因爲撰句云掌月居然凌上界擗雲便要灑齊州

嵩山爲中嶽齊北瀛鯤爲河南知府時嘗招余往游未果後二十年過洛陽去山不過兩日程亦心嚮往而弗能至也憶吳巢松侍講慈鶴爲余談二室之勝並爲述所撰聯云近四旁惟中央統泰華恒衡四塞關河拱神嶽歷九朝爲都會包伊洛瀍澗三臺風雨作嵩山

恒山各寺觀中扁額極多其以四大字磨厓者亦復不少
而有楹聯者不過三四處殊未見佳惟南關北獄行宮一
聯云峻嶽鎮幽燕近翊黃圖風雨永昭和會靈山鍾阜昂
遙連紫塞陰陽迭起貞元氣象尙能相稱

華山雄奇甲於四嶽余曾過玉泉院聞山僧述嚴道甫侍
讀長明有一聯云三峰三霄通寶掌千秋留孽迹一獄一

石作金天萬里蘊蓮花

華嶽廟在華山之麓壯麗與岱廟同余由秦入陝往返返信
宿皆在其中庭中古樹極多或爲商周或爲秦漢皆懸牌

爲標識碑刻林立則多是宋以後物絕無唐以前者殊不可解盧厚山宮保所重摹延熹碑刻工早竣尙橫臥地中爲之嘆息者久之廟僧索留楹聯因漫書付之云鴛瓦貼雲霄俯挹明星兼玉女虎賁臥庭廡猶強周栢與秦松廟僧未喻其意亦不知其懸挂與否耳

衡山遠在南服讀衡獄志一冊亦絕少佳聯錄其詞旨莊雅足與靈山相稱者云居艮位而踐離蹕渟雷池風穴之功柱鎮天南斗橫地北列三公而配四獄標月館露臺之勝帆隨湘轉彌到峰回又一聯云望望七十二峰工部游

時詩聖有誰能繼響遙邇一千餘載文公去後獄雲從此
不輕開亦未詳何人所撰也

京師陶然亭康熙年間水部郎江

藻

所建取白香山詩一

醉一陶然之語爲額百餘年來遂爲城南觴詠之地載旅

塘

璿

藤陰雜記中載沈東田方伯游陶然亭以楹帖慧眼

光中開半畝紅蓮碧沼烟花象外坐一堂白月清風爲韻

成詩書壁間余尋之不得其處而聯語實未佳惟有舊聯

云窗前綠樹分禪榻城外青山到酒杯亦是常語竊謂曹

皋堂宗丞

學閣

穿荻小車疑泛艇出林高閣當登山二句

未具言名
膾炙人口便可移作楹聯矣

京師藤花最著名者莫如海波寺街之古藤青屋以朱竹
垞舊居而重其最古而大者則萬善給孤寺東之呂家藤
花有元大德四年刻字商寶意詩所謂萬善寺旁昌氏宅
滿架古藤翠如織鐵幹誰鐫大德年模糊辨是元朝植是
也倪給詠國璉聯云一庭芳草開新綠十畝藤花落古香
今宅屢易主而藤尚無恙庭中菊花亦盛楊少白庚聯云
萬菊充庭秋富貴雙藤蔓地古烟霞

藤陰雜記云座師王文莊公初寓韓家潭七月二十五日

生辰每於中秋前後張樂次第宴乙丑同年及門生其戲臺對聯最爲精切憶己丑歲則云十七夕彩滿蟾宮廣隔夜霓裳舊曲廿五載班聯鵝序翠當年攀纖翠仙庚寅歲則云壽宇覃禱借綠山鶴舞餘籌更譜瑤笙諧鳳吹晚香勵節集蓬島鵠班舊侶重翻覽羽佾鸞觴

又云吳文簡公象舊宅 賦額蘭藻尙存沈東田方伯及祝藍堂曾劍亭俱曾居此相傳爲吳梅村祭酒故宅湯西厓少宰亦寓焉前後皆名流也有舊聯云旁人錯比揚雄宅吳代應教庾信居

孫公園後相傳爲孫退谷別業吳白華司空官翰林時曾
貸住公讌座師王文莊公戲臺聯云地近春明憶當年甥
館清娛幾廳後堂絲竹序先秋禊幸此日師門暇豫共陪
高閣被帷蓋宅爲茶陵彭大司馬維新舊第公乙丑及第
後於此贊姻宅後別一第有林木亭榭沈雲椒侍郎寓焉
有蘭韻堂聯云匝地清陰三伏候參天老樹百年餘
孫公園前有梁家園康熙間孫退谷與芝麓皆讌集其中
當時引涼水河入園中亭臺花木一時稱盛今則殊無可
觀李雨村胡元寓焉特築看雲樓聯云檻外遠山排闥繞

樓前積水當湖看

趙歐北簷牒雜記云金盞玉螭橋新修成橋柱須鑄聯句
金在樞直擬句云玉宇瓊樓天尺五方壺貝嶠水中央自
以爲寫此處光景甚切合汪文端公爲改尺五作上下二
字乃益覺生動也

通州河樓正俯運渠景極雄曠程玉樵廉訪德潤聯云高
處不勝寒渺渺沙烏風帆七十二清丁字水夕陽無限好對
煙雲萬樹百千萬疊米家山

正定府龍興寺中有半提菴梁蕉林清標題聯云月上關

圓光示教禪心兼法味風吹清梵樂歸誠景福應真言又題東院聯云爲定慧爲聲聞布金地於祇園大通明徹或淨名或緣覺轉法輪於鹿苑五蘊圓明又李致齋

基和

題

雨花堂聯云雲籠夜月原無礙鳥宿秋林亦放參

阮芸臺先生題杭州府貢院一聯云下筆千言正桂子香

時槐花黃後出門一笑看西湖月滿東漸潮來爲時傳誦

又衡州府石鼓書院中有淨綠閣閣中有韓文公緣淨不

可睡一詩爲張南軒先生所書院先生製聯云此真淨綠

睡不可我實薄才歌奈何

西湖飛來峰相傳晉咸和元年西天僧慧理登山嘆曰此
是中天竺靈鷲之小峰不知何年飛來因以爲名又不知
何時於峰洞中多鐫佛像以鎮虛復飛去則更荒唐峰下
卽冷泉亭亭扁舊傳爲董香光所題據西湖游覽志冷泉
二字爲白樂天書蘇子瞻續書亭字今皆不可考矣惟董
香光聯云泉自幾時冷起峰從何處飛來彼教中機鋒語
也又有書王右丞泉聲咽危石曰色冷青松句者亦雅切
至七修類稿中又載一聯云飛峰一動不如一靜念佛求
人不如求己則鉢相矣

靈隱寺山門有趙松雪一聯云龍澗風迴萬壑松濤連海
氣驚峰雲斂千年桂月印湖光今西湖志不載

西湖向無蘇公專祠秦小峴觀察始創建之落成後阮芸
臺先生書楹帖云欲共水仙薦秋菊長留學士住西湖註

云宋時杭人呼公爲學士不稱姓今猶然華秋槎

瑞璜又

集公詩爲聯云泥上偶然留指爪故鄉無此好湖山先生
又摹公手書讀書樓三字爲額

阮先生又集白香山句題白公祠云但是人家有遺愛曾
將詩句結風流

西湖有陸宣公祠近年所新修者宮海帆中丞高麗楊阿
聯云雨簷鶯聲香殿欽名相謨猷大儒學問六橋覽風月
猶似川雲宦蹟烟雨家鄉

孤山放鶴亭上有巢居閣道光元年重建吾鄉陳望坡尙
書若霖聯云祠傍水仙王北宋尙招高士躅樹成香雪海
西湖重見古時春吳棟華廉訪廷璽聯云華表千年遺蛻
可聞元鶴語孤山一角暗香先返玉梅魂閣上聯尙多以
此二聯爲最佳

天台之萬年寺有王藻儒閣老揆一聯云身比閒雲月影
盈縮幾活全本

溪光堪證性心同流水松聲竹色共忘機又湯敏甫僧書
金釗聯云露氣春林月華秋水晴光淑其芳草達山上方
廣寺朱倫翰聯云四山滴翠環初地一路聽泉到上方院
張臺先生聯云以眾華爲物事作雙樹之道場錢竹汀官
詹大昕聯云身似菩提心似鏡雲在青天水在瓶

西湖之聖因寺本行宮雍正五年浙江巡撫李敏達始
奏准改建第一進爲彌勒殿有敏達聯云山外皆山巒岫
繞成清淨界畫中有畫筆歌譜就太平圖最後爲內方丈
敏達亦有聯云聖德遐昌北極恩光昭北闕皇仁遠被西

朝瑞靄接西天然此地於康熙四十六年恭逢
鑾輿駐幸旬日扁聯恐出

御題雲漢昭回之地非臣工所當濡染其間敏達之聯實
應撤去也

理安寺之松巔閣舊名法雨院桂杏農觀察

桂菖聯云薄

宦寄明湖有夢難尋荆樹影前因逃法雨招魂空叩木樨
禪跋云先兄文敏公鞠獄粵西道卒武昌曹僕星太傅夢
兄曰我與公皆理安寺僧今當歸矣越日楚督奏函適至
事遂上聞余分巡至此因題楹柱並誌鶴原之感

宋錢岳父有書藏在西湖九里松其故址已不可考
袁臺先生撫浙時曾仿爲之於靈隱寺華嚴閣後創建一閣
取四部書各種庋置其上命僧守之石琢堂廉訪韞玉題

聯云著作集名流好事數當年自博文章留慧業賞音俟
後世揚雲

朱竹垞先生曝書亭中書有一聯云會須上番看成竹何
處老翁來賦詩汪舟次檢詩相所集杜句也嘉慶初阮芸
臺先生督學浙江修葺是亭爲重刻而懸於柱

嘉興木覺寺中有空翠亭乃唐僧初要建寺時故蹟又有

三過堂壁間有坡公三詩刻蓋坡公嘗三過此堂詩見集中其前楹有唐石幢二高二丈許偉材也芸臺先生有題句刻石柱云惟唐代二幢是峨嵋山人未過前屋此壁上三律乃空翠亭僧初夢時詩

溫州青田縣有石門洞洞口有天然石門因名傳是劉青田讀書處也有聯云似洞非洞適成仙洞無門有門是爲佛門聞爲華亭沈某所題而忘其名

杭州有錢武肅王祠其裔孫梅溪處士泳有聯云功在生民情傳聞異辭信史尙留曲筆德垂奕葉帳播遷中葉支

流莫源此確是後裔口氣詞旨亦落落大方

西湖花神廟在孤山下跨虹橋之西雍正九年總督李敏達所建中祀湖山之神旁列十二月花神及四時催花使者無不釵飛鉗舞盡態極妍相傳湖山正神卽李公自塑其像其旁列花神皆李之姬侍實有其人余於嘉慶元年來游時廟貌已敝而花神精采猶奕奕動人近聞紅顏皆成黃土矣猶記得有一聯云翠翠紅紅處處鶯鶯燕燕風風雨雨年年暮暮朝朝曼調柔情情景恰稱花神廟旁有月老祠有金書聯云願天下有情的都成了

眷屬是前生註定事莫錯過姻緣蓋集琵琶記西廂記兩院本成句也

葛嶺下有葛林禪院與孤山相對梁山舟先生集劉劭人
物志語爲聯云德行高妙容止可法威儀齊整器益無聲
阮芸臺先生聯云月似丹光出高嶺鶴因梅樹住前山
蘇州城南之滄浪亭自宋牧仲中丞_肇修後復經長洲令
許月溪遇及吳中丞存禮覺羅中丞雅爾哈善三次修葺
今人只知有宋牧仲而已余藩吳時復加修治增設臺榭
蔚成大觀好事者合獻楹聯而愜心貴當者實少齊梅庵

太守游記一聯云四萬青錢明月清風今有價一雙白璧

詩人名將古無儻蓋前祠蘇長史後祠韓蘄王也可稱穩

切而一雙白璧字究嫌粧點余因輯滄浪亭志得集句一

聯云清風明月本無價近水遙山皆有情上係歐陽文忠

句下係蘇長史句皆滄浪亭本事也然屢書皆不工故此

聯迄未懸挂

宋牧仲尙書撫蘇時爲唐六如修墓建亭其旁題曰才子
亭韓慕廬宗伯作楹聯云在昔唐衢常痛哭祇今宋玉與
招魂余嘗過桃花塢訪之其亭久圯矣

蘇州圓妙觀七星潭閣有集唐句一聯云千樹桃花萬年
藥牛潭秋水一芳山最熟人口按揚州淨香園中桃花池
館亦有此聯

虎邱亦有花神廟聯云一百尺記鐘聲喚起萬家春夢二
十四番風信吹香七里山塘却移作西湖之花神廟聯不
得惜不知何人所撰

李蘭卿觀察權蘇臬時訪得蘇文忠公爲僧卓契順書歸
去來辭石刻於城東定慧寺復尋得嘯軒故址因修祠葺
軒以存舊蹟按定慧寺及嘯軒並在黃州前明正統中蘇

州巡撫周文襄公摹勒蘇書於石太守況公捐祿建寺及
嘯軒寺僧又繪蘇像奉之軒中遂爲郡中名勝歷久圯蕪
鮮有知者至是乃一一還其舊余於道光乙未過吳門來
游留詩而去後陶雲汀宮保爲之聯云喫惠州飯和淵明
詩陶云吾云書就一篇歸去好判維摩憑到東坡界人相
我相笑看二土往來同跋云定慧寺有東坡書靖節先生
歸去來辭蓋在惠州時寺僧欽長老造其徒卓契順爲公
子致書臨歸公以此贈之其寄欽長老詩云初無往來相
二土同一在又云請判維摩懶一到東坡界卽謂是也同

時林少穆撫部聯云嶺海答傳書七百年佛地因緣不僅
高樓鄰白傅岷峨迴遠夢四千里仙蹤游戲尙留名刹配

黃州陳芝楣方伯

鑾

聯云翰墨滴高風輪扶大雅椒馨薦

遺愛鼎峙前修蓋寺中並祀周况二公葺爲三賢堂也蘭

卿題聯云江海宿緣深片石猶留古吳郡軒檻遺址拓辨

香長漪舊蘇齋時以覃溪師所藏文忠真像及所題舊詩

刻石供寺中又以王虛舟所題蘇齋二字扁懸諸楣並摹

覃溪師像奉之

虎邱有景李堂在白公祠內以太白有虎邱夜游序也堂

中牡丹頗盛彭春農學士聯云一序證前游太白光芒神
久在三章懷絕調牡丹時節我剛來

吳季札墓在江陰縣西二十五里墓中古篆九字相傳爲
孔子所題碑仆中斷一夕雷雨碑石完好如故但微有斷
痕耳碑亭聯云星斗移寒砧落墓風雷靈護聖人碑不知
何時何人所題也

松江上海縣城隍廟中有豫園奇秀甲於東南水石回環
軒亭四映各極其勝陶雲汀督部小駐園中各書楹帖以
紀之湖心亭云野烟千疊石在水漁唱一聲人過橋得月

樓云樓高但任雲飛過池小能將月送來三穗堂云此卽
濠間非我非魚皆樂境恰來海上在山在水有遺音一笠
亭云游目騁懷此地有崇山峻嶺仰觀俯察是日也天朗
氣清則集蘭亭序語也又集前人句題西廊云放鶴去尋

三島客約梅同醉一壺春

區田之法傳自伊尹潛功甫舍人曾沂於吳下試行之因
繪圖撰說流播遠邇嘗於田畔臨水構課耕樓頗饒野趣
索余楹帖爲集成語云側同幽人居水木明瑟遂存往古
務冬夏播琴韓桂船先生亟稱之

太倉州城有雲陽觀祀一女仙像設帷麗相傳前明王文肅公錫爵之女得道冲舉或云湯玉茗牡丹亭傳奇卽演其事真僞殆不可辨祠中有集昌黎少陵句爲聯云雲窗霧閣事恍惚金支翠旗光有無非惟渾成抑亦妍妙

焦山之麓有松寥閣俯臨大江雄勝之概爲江南北第一閣中聯句以陳恪動公月色如晝江流有聲八字爲佳惜字跡太弱不稱其句僧堂有伊墨卿太守聯云龍收江海氣碑出魚龍淵下句調壁鶴銘也語亦儼創而分書尤奇偉直逼漢京當入燕山長物志也

鄭板橋
號漑題焦山自然菴聯云山光撲面經新雨江水回

頭爲晚潮又云汲來江水烹新茗買盡青山當畫屏

太白樓中聯句以王有才吾輩此中堪飲酒先生在上莫

題詩爲最著近人則吳山尊學士聯云謝宣城何如人只

憑江上五言詩要先生低首韓荊州差解事肯讓階前盈

尺地容國士揚眉

或云樓係一守一令重葺守姓謝令姓韓山尊特借以前意云

又閉中

丞
鵠元聯云千尺青山妙句出惟凌小謝一龕金粟後身

須信是如來又李璋一聯云詩酒神仙天自夢中傳綵筆

樓臺花月人從江上拜宮袍至姚興舉聯云狂到世人皆

欲殺醉來天子不能呼又徐立綱聯云愛國有詩儕杜曲
報君以士識汾陽李孚青聯云脫身依舊仙歸去撒手還
將月放回俗傳太白捉月而死語皆壯然只是作太白讚耳於樓何
涉乎又聞有集太白句云江空欲聽水仙操壁立直上蓬
萊峰頗佳近胡書農學士聯云公昔登臨想詩境滿懷酒
杯在手我來依舊見青山對面明月當頭

袁簡齋隨園中聯云此地有崇山峻嶺茂林修竹足能讀
三壙五典八索九邱是李鶴峰侍郎因培所贈又自集唐
句一聯云放鶴去尋三島客任人來看四時花

金陵有名園袁簡齋爲江甯令時曾宴新入庠諸生於此後歸邢氏簡齋重游贈西主人一聯云勝地怕重經記當年綠竹宴諸生回頭似夢名園須得主幸此日樓臺逢哲匠著手成春

隨聞詩話云金陵太守謝鋗抵任時索余對聯余贈聯云太守風清江左依然迎謝傅先生來晚山中久已臥袁安陳省齋先生繼其父署守鎮江余代作對聯云守郡經先人看江水長流剩幾個當年父老折薪綿世澤願黃堂少佳留一枝此日甘棠

揚州府署客廳中有一聯甚雅切句云上客盡知名杜牧詩才鮑昭賦手前賢有遺韻魏公芳藥承叔荷花是王夢樓太守所題

金陵藩署本明中山王故邸西偏瞻園極樹石之勝聞當時多從艮嶽移來余曾信宿其中記得一長聯云大江東去浪淘盡千古英雄問樓外青山山外白雲何處是唐宮漢闕一作唐陵漢庭小苑春回一作西迴鶯喚起一庭佳麗看池邊綠樹樹邊紅雨此間有舜日堯天相傳中山王自作上半聯而屬對不就懸金於門有能對者酬之越數月有諸生某

對成王大喜遂鐫於柱是此聯在勝國時已有之今人以爲黃仲則景仁所作者誤也彭春農云或又傳此聯爲錢牧齋句上聯懷勝朝下聯頌一本朝也未知是否

袁簡齋續同人集云過客贈隨園聯句可存者如同年裴叔度侍郎云民不能忘始信淵雲兼政事敏而好學莫疑巢許是閑人徐兆璜別駕云廉吏可爲魯山四面牆垣少達人知足陶令歸來歲月多莊念農太守云著手成春卷中著述皆千古有官不住林下逍遙見一人家止水中翰云雪山金石圖書此地可稱三絕循吏儒林隱逸先生自

櫺聯叢話 卷六

有千秋趙雲崧觀察云野王之地有二老北斗以南只一人沈凡民先生云天爲安排看山處風來酒旆讀書窗又曠代仙才流下界半天人臥在高窗李晴江明府云潘安仁閒可奉親郭林宗貞不絕俗郭通音侍講云爲官不過六百石著書豈止五千言錢辛楣少詹集查初白詩云人指所居爲福地天留此老應文星陶怡雲云方朔少時二十萬首皆盡讀博隆老去八千餘紙手親鈔黃世培云二十科翰林老猶似少一百卷文集多而能精余自嘲云不作公卿非無福命都緣懶難成仙佛爲愛文章又戀花又

隨園詩話補遺云上海李林松仲熙贈聯云真才子必得其壽謫仙人未免有情

南野堂筆記載小倉山房題句甚多其中有可移作楹帖者如黃之紀云到處自開詩世界無人不拜老神仙趙雲城云喬木十圍人共老名山一席客爭趨丁珠云身閒但急千秋業官泥遐食一縣花黃仲則云文章草草皆于古往宦匆匆只十年葉綱楓云偶談舊雨人俱古能坐春風客亦佳蒲忻云六代雲山隨杖履一園花鳥盡聰明汪汝邠云曠代誰標才子號聞名都當古人看孫原湘云黃初

詞賦空千古白下江山送六朝

隨園老人云嘗游南明寺見沈歸愚先生書對聯云瓶添
澗水盛將月砌挂松梢惹得雲未知是集成語抑或先生
自撰耶

謝然卿告余云乾隆中李松雲先生_{堯林}守金陵時重濟
莫愁湖陳東浦方伯奉茲題一聯云此地曾傳湯沐邑何
人錯認鑿金堂蓋明初以後湖賜中山王食其租稅故至
今湖樓奉玉香火若古樂府莫愁樂云石城女子名莫愁
善歌謡石城在竟陵其曲云問歌在揚州相送楚山頭則

莫愁在楚無疑今石頭城下之莫愁湖蓋因石城轉訛耳
方伯此聯最可徵信也按顧起元莫愁湖考云莫愁树今
在承天府漢江西石城在州西晉羊祐所建鄭谷詩石城
昔爲莫愁鄉莫愁魂散石城荒亦可互證若湖上水閣有
先生手題聯云一片湖光比西子千秋樂府唱南朝自然
超妙則仍用舊說耳

金陵淮清橋橋門有集劉夢得韋端已句云淮水東邊舊
時月金陵渡口去來潮橋門之聯當以此爲最工
道光初金陵有某大姓算治水榭有客爲集宋人詞句作

楹聯贈之者出語云波暖塵香看檻曲紫紅簷牙飛翠上
四字玉田句下兩句白石詞也對語云醉輕夢短在燈前
欹枕雨外熏鑪上四字毛澤民句下兩句夢翁詞也意匠
新巧頗傳誦於時

金陵儀鳳門城樓聯云聳翠流丹千仞聳熊輝日月熒青
綠自四圍屏障合江山不知何人所作

江浦縣之浦口鎮有城城之東門垛樓三楹背山面江形
勢勝絕羣處間適重修工竣陳香谷中丞桂生按閱題一
聯云地軸轉洪濤月泐星垂三楚江聲分浦激天闢開重

鎖煙霏霧斂大朝山色擁臺障時自小出學使又自皖中寄題集杜一聯云雲白山青萬餘里江深竹靜兩三家皆爲時所稱

燕子磯本在江中近因沙灘日長日寬遂離江稍遠有高閣凌空而立俗所稱鐵鎖鍊孤舟者今鐵索尚存猶令人不可方物旁有永濟寺柱聯云松聲竹聲鐘磬聲聲自在山色水色煙霞色色皆空忘却何人之款

謝默卿云吳下園亭最勝如齊門之吳氏拙政園閩門之劉氏寒碧莊葑門之瞿氏網師園婁門之黃氏五松園其

尤著者每春秋佳日輒開園縱人游觀鉛扇如雲蝶園蜂
繞裙屐年少恣其評騁於衣香人影之間了不爲忤金闌
名姬反以此增聲價焉各園楹帖不少今僅記網師園中
有一聯云風風雨雨暖暖寒寒處處尋尋覓覓鶯鶯燕燕
花花葉葉卿卿暮暮朝朝詣涉纖巧而狀豔冶之景如在
目前固自妙麗無匹也按此聯與西湖花神廟一聯相仿
而簡鍊稍遜之

蝶磯孫夫人祠有徐文長聯柱云思親淚落吳江冷望帝
魂歸蜀道難相傳修祠工甫竣童役者夢夫人諭之云楹

聯且緩製須至某日時有徐先生過此求其撰題可矣至期文長適到遂信筆書成夜夢夫人來謝近楊雪莊慶深觀察燕湖時亦題聯云空江蘋藻祠靈澤門額爲靈澤夫人祠故國松楸夢惠陵亦佳其妙皆在不著議論而自然雅切也蜀書云先主爲荊州牧治公安權稍畏之進妹固好又云先主旣定益州而孫夫人還吳裴松之引漢晉春秋云先主入益州吳遣迎孫夫人大人欲將太子歸諸葛亮使趙雲勒兵斷江留太子孫大人事見於正史者不過如此若泛及小說演義鮮不貽笑大方矣

簷曝雜記云江陰君山以春申君得名其山臨江爲一邑
勝境有聯云此水自當兵十萬昔人曾有客三千

安徽城外之大觀亭祀余忠宣公雄壯甲於皖江鄧解筠
督部聯云樽前帆影檻外嵐光數勝蹟重重都向江頭開
畫本樓上仙人閣中帝子游游蹤厯厯又來亭畔弔忠魂
按督部由湖北廉使江右藩伯擢撫安徽故次聯云爾

又有汪思一聯云跨太白樓之上鶯瓦排雲倚畫檻一味

鄉愁已漸近鐘阜晴嵐六朝城郭橫彭蠡江而西鷺濤堆
雪喚沙鷗共談宦跡最難忘哦看春水萬里風帆汪蓋吳

人曾宦四川此聯乃守安慶時所作文陶法一聯云倚檻
蒼茫千古事過江多少六朝山

南昌滕王閣大門有一扁云仙人舊館吾鄉李春園太守
共宴所題姚鐵松中丞

棻

初莅任見扁極稱賞嘗向太守

乞此扁改題已名太守不可乃請太守曰扁不見讓須爲

我別撰一聯如不佳仍須讓扁也太守於次日卽呈聯句

云我輩復登臨目極湖山千里而外奇文共欣賞人在水
天一色之中上聯用韓昌黎記語下聯用王子安序語也
中丞大加擊節遂寢前說至今太守之扁中丞之聯並存

可備勝王閣一故實矣

湛淵靜語云勝王閣舊置王勃詩序碑當正位昌黎作重修記居其

荔支心江公治隆興遂遷韓碑居正退勃於荔公嘗刻碑陰署云勃八代未變之文併優諱也昌黎文

一變直至於

道舊見墨本今止之

宋牧仲先生勝王閣聯云依然極浦遙天想見閣中帝子安得長風巨浪送來江上才人阮芸臺先生聯云帝子長洲仙人舊館將軍武庫學士詞宗並佳

舒白香於臘杪游靖安之揚鶴觀喜其高僻遂留度歲爲道士作春帖云遙聞爆竹知更歲偶見梅花覺已春頗有山中無厯日寒盡不知年之意

白香游廬山天池僧屬題寺楹信筆作長短二聯云一水印天心指月證三生之果六根無我相飲泉清萬劫之塵又云天上有池能作雨人間無地不逢年

虎溪三笑亭有唐蠅寄先生聯云橋跨虎溪三教三源流三人三笑語連開僧舍一花一世界一葉一如來

相傳阮芸臺先生於江西百花洲集句一聯云楓葉荻花秋瑟瑟閒雲潭影自悠悠既合風景而成句又在人人意中所謂文章本天成妙手偶得之但余又聞之彭春農學士云此語饒州燒作磁聯其款或署曹文恪或署先文勤

公實乃舊句非芸臺師集成者

江州白太傅祠有一聯云楓葉四紝秋根觸天涯遷謫恨
潯陽千里水勾留江上別離情頗近自然

大庾嶺上雲封寺一名挂角寺寺門聯云山中藏古寺門
外盡勞人又一聯云驛使暫停花下騎寺門深掩嶺頭雲
長白觀瑞聯云挂角何時偶爲嶺上主人猶想像千秋風
度舉頭欲問可許山中置我試管領萬樹梅花

李笠翁題廬山絕頂聯云足下起祥雲到此者應帶幾分
仙氣眼前無俗障坐定後宜生一點禪心又云偏廬山而

扼勝者皆佛寺也求爲道觀惟簡寂觀數楹而已天下名山強半如是釋道應作平等觀不知世人何厚於僧而薄於道聊題一聯爲黃冠吐氣云天下名山僧占多也該留一二奇峰棲吾道友世間好詣佛說盡誰識得五千妙論出我仙師

瑞州府治後有鳳凰山山之左有東軒乃蘇文定公轍謫筠州監酒稅時所建瑞州在宋時爲筠州也翁覃溪師爲補題東軒二字額並爲之記復集蘇詩爲聯云天下幾人學杜甫當時四海一子由

錢裴山中丞相巡撫湖北甫三月卽被命內召瀕行留題黃鶴樓一聯云我太多多騎鶴仙人還送客茲游良峯谷落梅時節上登樓不脫不粘却一時情景俱到他作所不能及也

黃鶴樓聯扁極多自以錢裴山所撰爲最其餘彼善於此者如韓亮僻之稀云到來徑欲凌風去吟罷還思借笛吹薩湘林薩迎阿云一樓萃三楚精神雲鶴俱空橫笛在二水匯百川支派古今無盡大江流又黃虎文云上頭有客題詩句隔岸何人共酒杯又相傳有一聯云何時黃鶴重

來且自把金尊看
淵渚千年芳草今
日白雲尚在問誰吹
玉笛落江城
五月梅花不著議論而白擅清新惜未詳何
人所撰也

黃鶴樓之左爲太白亭今呼仙乘亭游人觴讌咸集此中
余本敦聯云此地饒千秋風月偶來作半日神仙朱詠齋
王彥聯云此間可談風月斯世豈有神仙語皆沿脫畢秋
帆先生聯云攬勝我長吟碧落此時吹玉笛學仙人漸老
白頭何處覓金丹又不知何名一聯云宛然海上三山貌
矣安期先我亭前探棗實猶是江城五月仙乎太白與君

程印詩言卷之二
七言律詩
笛裏聽梅花

晴川閣與黃鶴樓隔江對峙而游人題句不及黃鶴樓之多有李拔集經語一聯以大字磨崖云沱潛旣道江漢朝宗又蕭德宣集詩句一聯云漢日夕陽斜度鳥楚江燈火看行船又陳望之中丞淮聯云虛濱走雙龍夾岸直疑銀漢落仙蹤杳孤鶴隔江但有白雲來又陳大文聯云傑觀飛堦檻外蜀吳橫萬里風帆沙烏天邊江漢湧雙流又溧陽宋鑽新題一長聯云棟宇通櫓霄憶幾番仙人解佩詞客題襟風日最佳時坐倒金尊却喜青山排闊至川原覽

全省看不盡鄂渚烟光漢陽樹色樓臺如畫裏臥吹玉笛
還隨明月過江來

湖北石首縣有繡林山相傳漢昭烈帝納孫夫人於此錦
幃如林因名舊有昭烈及夫人合祠有爲之撰聯者云錦
繡江山半壁雄心敵吳魏風雲兒女千秋佳話掩甘麋聯
句固佳而甘糜連用於古未聞恐亦涉演義語考昭烈眷
屬見於蜀書者不一而足初云呂布襲下邳虜先主妻子
後云因先主求和於呂布布乃還其妻子又云至小沛爲
高順所敗復虜先主妻子送布後云曹公助先主生禽呂

布復得妻子又云曹公東征先主盡收其衆虜先主妻子
並禽關公以歸此後不言妻子復歸之事及當陽長坂之
追又云先主棄妻子與諸葛亮張飛趙雲數十騎走又云
先主爲荊州牧治公安權稍畏之進妹固好又云先主旣
定益州而孫夫人還吳又甘皇后傳云先主在小沛納以
爲妾先主數喪嫡室后常攝事隨先主於荊州產後主曹
公追及先主於當陽長坂於時因逼棄后及後主賴趙雲
保護得免於難此外惟有一穆皇后皆合葬惠陵又糜竺
傳云竺迎先主於小沛進妹於先主爲夫人其終亦不詳

蓋先主眷屬屢經散失殆不乏其人其有姓氏可考者惟
甘穆二皇后孫糜二夫人而已

岳陽樓中有一聯頗壯闊句云四面湖山歸眼底萬家憂
樂到心頭忘却何人所撰關中周元鼎聯云後樂先憂范
希文庶幾知道昔聞今上杜少陵可與言詩亦頗自然余
謂李西涯有岳陽樓詩句云吳楚乾坤天下句江湖廊廟
古人心似可移作聯句近畢秋帆先生一聯云湘靈瑟呂
仙杯坐攬雲濤人宛在予美詩希文筆笑題雪壁我重來
則尤見意匠也

楹聯叢話卷之七

福州梁章鉅輯

勝蹟

下

濟南勝景以趵突泉爲最奇而楹聯語多粘滯惟石琢堂廉訪一聯云畫閣鏡中看幻作神仙福地飛泉雲外聽寫成山水清音尙不泥於跡象也

濟南大明湖前有匯泉寺中有薜荔館面湖而立爲游人讌集之所全湖勝概皆在目前今湖面爲荷塘蘆港所隔舟行須詰曲隨之有舊人聯句云舟行著色屏風裏人在

回文錦字巾據寺僧云是前灘縣教官郭鎔盤所書尙未
知何人所撰也劉金門先生聯云四面荷花三面柳一城
山色半城湖孫淵如先生星衍集唐句聯云地占百鬱多
是水樓無一面不當山

大明湖中有小滄浪湖之南岸卽學使者官署署中池水
亦七十二泉之一與湖相通池上有小亭吳巢松學使屬
余分書小小滄浪一幅賦七古一首爲謝有荷花如城月
如斗之句余和答詩有名流作主泉作賓之句適成對語
因集書一小聯界之而學使遽歸道山不及懸挂矣

廷璿堦曾官溫州台州最後守泰安頃署齋一聯云桑麻
課罷開花徑苔蕩遊還拜岱雲

四川天回鎮以唐明皇幸蜀返蹕駐此因名驛亭中以李
青蓮句爲聯云地轉錦江成渭水天迴玉壘作長安

四川嘉定府城外有凌雲山山下有凌雲寺爲坡公少年
讀書處有樓望坡公少時像山甚峻樓前卽大江寺門外
有集句聯云千青雲而直上障百川而東之時稱其渾成
切實樓中有郭蘭石學使尚先題聯云萬戶侯何足道哉
顧烏帽青輶難得津梁逢大佛三神山如或見之間黃樓

赤壁何如鄉郡挾飛仙

少陵草堂中佳聯頗多如詩史堂聯云水石適幽居想溪外微吟翠竹白沙依草閣樓臺開暮景結花間小隊野梅宮柳接春城草堂集句聯云萬里橋西宅南花潭北莊獨立樓集句聯云卽今耆舊無新詠何處老翁來賦詩草亭集句聯云至今班竹臨江活無數春筍滿林生恰受航集句聯云孤城返照紅將斂仙侶同舟晚更移杜公神龕集句聯云窮人錯比揚雄宅日暮聊爲梁甫吟陸放翁配享龕集句聯云錦里先生爲老伴玉霄散吏是頭銜皆風雅

可誦以題目本好也

河南省城有三賢祠在梁苑古吹臺上祀李太白杜少陵高達夫三公麟見亭河帥聯云一覽極蒼茫舊苑高臺同萬古兩間客嘯傲青天明月此三人

道光乙酉長懋亭將軍楊時齋督部克復西域四城蘭州同官於黃河南畔對金城關在金山寺下建樓三楹題額曰蕩
蘚湘林廉訪題聯云外域全歸坐攬關山皆勝地上游得據笑談西北有高樓余於乙未莅蘭州則蕩
誼區猶存而聯不可復見矣

蘭州城南之泉蘭山又名五泉山山麓有五眼泉曰甘露
曰掬月曰摩子曰蒙曰惠清冽甲於省會諸水故又名清
泉琳宮紺宇蔚然巨觀余於御藩任後始獨游一次翼曰
卽戒行匆匆不能成詩僅留聯句界寺僧亦不知懸挂與
否也句云佛地本無邊看排闥層層紫翠千峰平櫨立清
泉不能濁笑出山滾滾黃河九曲犯城來

蘭州城北之黃河初從積石東下其勢漸大自明初建浮
橋名鎮遠橋今因之不廢每隆冬冰合自成冰橋冰泮則
以數十艘編爲浮橋每歲二月初吉太府率僚屬齋祓詣

河濱神爲合橋之祀千夫踴躍萬民環觀如畫圖然余擬
題橋門一聯云天險化康衢直如海市樓中現不住法河
瑞開晝本安得雲梯關外作如是觀雲梯關爲淮黃歸海
之要區山委源源幾及萬里余曾筦修防者三載臨流回
憶夷險頓殊矣河神廟中有查九峰觀察廷華聯曰曾經
滄海千層浪又上黃河一道橋亦自紀其所歷也

羅浮山最深處爲酥醪觀是安期生與神女會飲元碧酒
處觀中有樓是道人江瀛壽所建黃香石培芳浮山小志
云羅浮山中妙精構惟酥醪觀中一小樓殊擅幽勝余題

爲浮山第一樓並題聯云萬壑烟雲浮檻出半天松竹拂
窗來昔楊大司馬應琚讀書洞中恒樓居署曰小樓客我
靜大地任人忙並足識也

嘉慶甲子吳山尊張石蘭典試粵西揭曉後百菊溪中丞
觴之七星巖席次中丞曰此間不可無一楹帖因口占一
句云地有七星鄰北斗請二君屬對山尊衝口而應云人
如二客伴東坡中丞大爲擊節因製聯懸在七星巖壁立
亭中後署山尊名近聞聯已不存與人亦無有知其緣起
者林少穆爲余述之如此

獨秀峰爲桂林主山蘇延年守郡時賦詩云未若獨秀者
峩峩鄧邑間山因以名然此語但見唐人鄭叔齊所作獨
秀山新開石室記而顏遺集中未見此詩也山麓有讀書
巖范石湖謂有便房石榻石牖如環堵之室顏延年讀書
其中似唐以前府治卽在是宋元祐中郡守孫覽構五詠
堂鐫五君詠於石今遺址皆不可考余於道光戊戌冬始
與僚友商復五詠堂而以家藏黃山谷先生所書五君詠
墨蹟勒石堂壁不兩月而規撫大具頓成壯觀因撰一聯
云得地領羣峰目極舜洞堯山而外登堂懷往昔人在鴻

軒鳳舉之中

獨秀峰中磨厓詩字如林以唐人鄭叔齊石室記及孟簡

題名爲最古余因五詠堂之北復添一廳事同人索書檻

帖復撰

一聯云勝地如畫閣是賢守道區雄藩胥館前明入靖

王靈山託文字有叔齊作記孟簡題名

獨秀峰下有月牙池冬夏不涸峰影皆倒浸其中鄺湛若赤雅所謂山翠盡落者也峰畔有磨厓南天一柱四大字極雄健蓋用唐人張固筆天一柱在南州詩語余小篆五詠堂聯云異代景前修想石榻攤青竹林懷友新堂遷舊

觀對牛潭秋水一柱奇峰又集孟浩然張謂句一聯云戶

外一峰秀崗前萬木低堂成後將一年王孚造方伯

惟誠士

始到補題一聯云造物本無私移來檻外烟雲適開勝境

會心原不遠就此眼前山水猶見古人頃古竹辰方伯

士

雲亦寄一聯云光祿詩文節書大府來時開勝境王公冕

將軍畫名山何日得重遊蓋堂初建時方伯適奉命都

轉長蘆故次聯云爾又卞雅堂觀察

斌

聯云勝境重開詩

采書聲延古趣生機最樂雀喧魚戲功天和跋云獨秀峰

下有顏光祿讀書舊址歲己亥茝林中丞規度其地卽起

垣宇刻五君詠壁間暇則集同人於此作放生樂事因擬聯語並識之三聯今並鐫堂柱

桂林城北仙李園中多栗樹故俗呼爲板栗園前明爲靖藩別業今爲李芸甫水部所得仍名李園園中巖洞之勝爲桂郡一大觀余屢觴詠其中所見楹聯不一記其尤佳者
大門升桓聯云一帶林塘詩境界四時花果隱生涯傳是周山次升桓所撰簪碧堂中舊聯云北院喜新成有寒碧千

扇遠青一角東君如舊識正庭槐垂蔭乘燕將難爲商寶意盤所題芸甫新於水竹佳處築一茆亭以供逭暑自題

聯云乍來頓遠塵囂靜聽水聲真活潑久坐莫嫌荒僻飽
看山色自清涼有鏡亭在水中央舟有舟日恰受航余爲
集韓杜句云灌池纔深四五丈野航恰受兩三人

滇南黑龍潭距省垣二十里古稱名勝顧慶題聯云兩樹
梅花一潭水四時烟雨半山雲有薛爾望者昆明諸生明
末偕妻妾子女七人同盡節於潭內後人哀之爲立大塚
於潭旁建亭題聯云寒潭千載潔玉骨一堆香

滇中華庭寺亦勝跡也有楊升菴慎題聯云一水抱城西
烟靄有無拄杖僧歸蒼茫外羣峰朝閣下雨晴濃淡倚欄

人在畫圖中

滇南省垣海心亭頗饒勝致黃星巖奎光題聯云有亭翼然占綠水十分之一何時閒了與明月對飲而三勝地壯觀必有長聯始稱然不過二三十條字而止惟雲南省城附郭大觀樓一楹帖多至一百七十餘言傳誦海內雖一縱一橫其氣足以舉之究未免冗長之譏也句云五百里滇池奔來眼底披襟岸帻喜洋洋空濶無邊看東驥神駿西翥靈儀北走蜿蜒南翔納素高人韻士何妨選勝登臨趁躋輿螺洲梳裹就風鬟霧鬢更蘋天葦地點綴

些翠羽丹霞莫孤負四圍香稻萬頃晴沙九夏芙蓉三春
楊柳數千年往事注到心頭把酒凌虛嘆滾滾英雄誰
在想漢習樓船唐標鐵柱宋揮玉斧元跨革囊偉烈豐功
費盡移山心力儘珠簾畫棟卷不及暮雨朝雲便斷碣殘
碑都付與蒼烟落照只贏得幾杵踴鐘半江漁火兩行秋
鴈一枕清霜按上聯之神駿指金馬靈儀指碧雞蜿蜒
指蛇山縞素指鶴山皆滇中實境然用替字反嫌粧點且
以縞索爲鶴亦似未安聯句爲康熙中邑人孫髯所題聯
字爲陸樹堂所書聞阮芸臺先生督滇時曾改竄數字另

制聯板懸之而彼都人士嘵有頗言旋復撤去近先生以
改本寄示因並錄於右以質觀者 五百里漁池奔來眼
底憑欄向遠喜茫茫波浪無邊看東驥金馬西翥碧雞北
倚盤龍南馴寶象高人韻士惜拋流水光陰趁解嶼螺洲
襯將起蒼崖翠壁更蘋天葦地早收回薄霧殘霞莫辜負
四圍香稻萬頃鷗沙九夏芙蓉三春楊柳 數千年往事
注到心頭把酒凌虛嘆滾滾英雄誰在想漢習樓船唐標
鐵柱宋揮玉斧元跨革囊繫長蒙西費盡移山氣力儘珠
簾畫棟捲不及暮雨朝雲便辭碣苔碑都付與荒烟落照

祇贏得幾杵疎鐘半江漁火兩行鴻鴈一丘滄桑

貴州省城北關外有頭橋爲往來迎送之區有聯云說一
聲去也送別河頭歎萬里長驅過橋便天涯路盼今日
歸哉迎來道左喜故人見面握手還疑夢裏身

揚州名勝蹟楹聯多集晉宋及唐人詩句蓋虛雅雨都轉
見曾屬金棕亭博士兆興寫之備載於李文塘平揚州畫

舫錄中今擇其佳者列之於左

揚州城北自慧因寺至虹橋凡三段一爲城闢清梵一爲
卷石洞天一爲西園曲水慧因寺外爲香悟亭四面皆木

惺聯云潭影竹間動

慕母

天香雲外飄

宋之潤

河邊有船房

額曰南漪聯云紫閣丹樓紛炤耀

王勃桃溪柳陌好經過

張籍

稍高處爲棲鶴亭其西廳事額曰綠楊城郭聯云城邊柳

溫庭筠

樓上花枝拂座紅

趙過

此爲勾園聯云移

花得蝶買石饒其鄭板橋所書

卷石洞天在城闕清梵之後卽古墳園地今歸洪氏人呼

爲小洪園初入爲羣玉山房聯云漁浦浪花搖素壁

司空曙

玉峰晴色上朱欄

李羣玉

沿河可入梅蘿水榭聯云雲生礀

戶衣裳潤

白居易

風帶潮聲枕簟涼

許

水榭之後爲契秋閣

聯云渚花張素錦杜力柱明冲襟駢寶又攢折爲宛委山

房聯云水石有餘態劉長卿兒鷺亦好音

張九齡

西園曲水卽古之西園茶肆後歸江氏中有濯清堂聯云

十分春水雙檐影

徐寅

百葉蓮花七里香

李洞

有新月樓聯云

蝶銜紅蘚蜂銜粉

高寅

露似珍珠月似弓

白居易

又有水明樓

聯云盈手水光寒不濟

李羣玉

入簾花氣夢難忘

羅虬

元崔伯亨花園後爲洪氏別墅洪氏有二園虹橋修禊爲大洪園卷石洞天爲小洪園虹橋爲王文簡賦治春處後廬轉運復修禊於此北郊佳麗推此爲最乾隆間

賜名倚虹園中有妙達堂聯云河邊淑氣迎芳草孫澠城上
春陰覆苑牆杜甫其右爲錢春堂聯云鶯啼燕語芳菲館毛震
蝶影蜂聲爛漫時李建勲

小洪園中有流波華館挺入湖心清空一丸聯云澗道餘
寒懸冰雪杜甫浪花無際似瀟湘溫庭筠其右數折爲小江潭
聯云竹室生虛白陳子昂波瀾動遙空王維

治春詩社在虹橋西畔臨水次爲懷仙館聯云白雲明月
偏相識華在行酒賦詩樂未央杜甫水樹間爲秋思山房聯云
天氣洒竹氣張說山光滿湖光馬戴其後爲槐陰廳聯云小院

迴廊春寂寂

杜甫朱闌芳草綠纖纖

劉長卿最後爲橋西草堂聯

並最後爲橋西草堂聯

云綠竹漫侵行徑裏

劉長卿飛花故落舞筵前

蘇頌

其後有亭

曰雲樹聯云山雨樟仍在

杜甫前亭香草不凡

張祜

荷浦香風在虹橋東畔一名江園乾隆間

賜名淨香園中爲清華堂正臨水際聯云芰荷疊映蔚

謝靈運

水木湛清華

謝朓

其後爲綠楊灣聯云金塘柳色前溪曲

溫庭筠

玉洞桃花萬樹春

許浑

門外爲春禊亭聯云柳占三春

色

劉禹錫

荷香四座風

成

園之左有翠玲瓏館其右爲蓬壺影聯云碧瓦朱甍照城

郭杜穿池壘石寫蓬壺

常旦

又其後爲江山四望樓聯云

山紅澗碧粉爛漫

韓愈

竹軒蘭砌共清虛

李咸用

其左爲涵虛

閣聯云圓潭寫溪月

孫詒

華嶼上春潮

江清

閣後爲浣香樓聯

云谷靜秋泉響

孟浩然

樓深複道通

柴宿

四橋烟雨一名黃園黃氏別墅也乾隆間

賜名越園園中有錦鏡閣三間閣之西有小屋三間顏曰

竹間水際聯云樹影悠悠花悄悄

曹晴雲

漠漠柳蔥蔥

莊子

閣之東有四摺軒聯云九霄香透金莖露

于武林

八月涼生

玉宇秋

曹軒

之後爲漣漪閣聯云紫閣丹樓粉照耀

王勃修

望瀟木勢交加千漣漪閣之北有廳事二一曰澄碧堂聯
云湖光似鏡雲霞熱黃滔松氣如秋枕簟涼何士元一曰光
華堂聯云千重碧樹鎖青苑四面朱樓卷畫簾杜
黃園竟處有吹香草堂聯云層軒靜華月儲光義修竹引薰
風韋安石其後爲春水廊水局極寬處也聯云夾路濃華千
樹發趙彥昭一渠流水兩家分項斯旁有蓮花橋橋邊有勝概
樓聯云奇石盡含千古秀羅春光欲上萬年枝錢起
虹橋之西㟁爲吳氏別墅其北有跨紅閣先爲酒家後改
官園仍令園丁賣酒爲業有聯云地偏山水秀劉禹錫酒綠

河橋春

李正封

長隄春柳卽在虹橋之西隄畔有濃陰草堂聯云秋水纔
深四五尺杜甫綠陰相間兩三家

司空圖

又過曲廊三四折盡

處有小屋如丁字謂之丁頭屋聯云綠竹夾清水

江淹

游魚

動圓波

潘仁安

北郊之白桃花以東嵒江園爲勝紅桃花以西嵒桃花塢
爲勝桃花塢之北鄰有曉烟亭聯云佳氣溢芳甸

趙孟頫

雲澹野川

元好問

曙光樓面東以曉色爲勝城中人每於夏月侵曉出城看

露荷聯云間津窺彼峴

蘇

把釣待秋風

杜甫

草閣在長堤上國初草醉白別墅也園中築小山亭聯云

茂竹臨幽澈

李

晴雲出翠微

柳德

桃花塢額係石刻內構廳事曰疏峰館有集韋莊聯句云
千重碧樹籠青苑一桁青山倒碧峰館之西有方塘種荷
四方幽竹蒙翳構響廊皮板架水上爲澄鮮閣聯云隔沼
蓮荷叢中流泛羽觴

陳希

山半桃花每春時紅白相間花叢中有蒸霞堂聯云桃花
飛綠水

李

白野竹上青霄

杜甫

又有縱目亭聯云地勝林亭好

孫月圓松林深

無可

又有中川亭四面皆山中峰重屋聯云

小松含瑞露

鄭裕

好鳥鳴高枝

曹植

梅嶺卽長春嶺在保障湖中由蜀岡中峰出版者也嶺多梅樹故有梅嶺春深之目郡人程元恒

志銓

築是嶺三年

不成費至二十萬後夢關帝示以度地之法旬日而竣因

構關帝廟廟石爲嶺上草堂全湖在望聯云碧落青山颶

古韻

杜牧

綠波春浪滿前陂

杜牧

又其右一亭依麓額曰釣渚

聯云浩歌向蘭渚

徐彥伯

把釣待秋風

杜牧

東園卽賀園舊址中有春雨堂張文敏

照

聯云萬樹琪花

千圃藥一莊修竹半床書又鄭谷口

董

聯云烟雲送客歸

瑞水山木分香繞閣風又江景江

恂

聯云近水樓臺開楚

宇平山欄檻倚晴空春雨堂之北爲菱花亭

聯

云苔色侵

衣桁

李嘉祐

荷香入水亭

周

亭之北爲夕陽雙寺樓

聯

云玉

沙瑤草連溪碧

曹唐

石路流泉兩寺分

白居易

夕陽雙寺樓之西爲雲山閣雍正間賀吳郵

君召

所建本

宋陳升之呂公著舊址今就其地重建並因其舊名吳郵

自爲聯云供桑梓謳吟幾處亭臺成小築快春秋游覽一

隅邛崢是新聞又聯云水曲山如畫

羅

溪虛雲傍花

甫

又

龔半千

賢

聯云定香生寂磬空翠滴疎櫺又魏瓜圃

嘉瑞

聯云檻前春色長

與

柳閣外秋聲蜀嶺松吾鄉劉鄰初

敬

亦有聯云宛轉通幽處玲瓏得曠觀

賀園始於雍正而對微亭則乾隆間所增建吳郵題

聯云當階夜月橋邊留畫舫春風陌上引香車又汪文端聯云當階

瑞色新紅葉臨水光淨綠天吳郵又題踏葉廊

聯云三山入望松筠在雙樹無言水月新又褚空山

峻

聯云幾處

好山供客座一川寒月淨塵襟

東園額爲王覺斯所題又題芙蓉沈

聯云花間漁艇近水

外寺鐘微嵇文恭

璣

聯云一汎芙蓉新出水千層芳草遠

浮山又程午橋

夢星

題醉烟亭聯云隄畔鶯花橋畔月竹

邊歌吹柳邊舟董玉虬

文驥

亦用李雲書句作聯云半在

山隈半水涘亦如石屋亦涼梁

董形菴

權文

嘗守廣陵題駕鶴樓聯云竹裏登樓風引三

山不去花間看月溪流四序如春又潘松谷

偉

聯云樓臺

笑兀排青嶂鐘磬虛徐下白雲又王護澤

承先

聯云灣過

茱萸松竹三青水碧階翻雲葉亭臺四序天香

駕鶴樓之旁爲杏軒澤沈廣文

斌

聯云檻外山光歷春

夏秋冬萬千變幻都非凡境窗中雲影任東西南北去來
淡蕩洵是仙居

李翹以詩畫擅名與李鱣同時居揚州稱二李題凝翠軒
聯云終古招邀山色遠幾人愛惜月明多又梁聞山載書
邵康節句於凝翠軒云雨後靜觀山意思風前閑看月精
神按凝翠軒扁爲文三橋書又有祝枝山四面有山皆入
畫一年無日不看花一聯皆真蹟也

九峰園在揚州城南中有深柳讀書堂聯云會須上番看
成竹杜漸擬清陰到畫堂薛堂後數折爲穀雨軒聯云曉

斷遠分金掌露

韓

夜風寒綰玉壺冰

許

軒旁有延月室聯

云開黛見新月

李

端倚樹聽流泉

李

其東南爲玉玲瓏館聯

云北榭遠峰閒卽望

薛

能南園春色正相宜

張

共旁爲雨花

巷門外嵌石刻曰硯池染翰聯

薛

云高樹夕陽連古巷

盧

橋流水接平沙

劉

兼隄上有方亭額曰臨池聯

李

聯云古調詩吟

山色裏

趙

野聲飛入硯池中

杜荀鶴

亭旁有小廳額曰一片

南湖聯云層軒皆畫水

杜甫

芳樹曲迎春

張九齡

旁有小廊十

餘楹額曰烟渚吟廊聯

云階

墀近洲渚

高適

亭院有烟霞

良郭

其東斜廊直入水閣額曰風漪聯

云隔

岝春雲邀翰墨

高適

繞城波色動樓臺溫庭筠再進爲海桐書屋聯云峭壁削成
開畫障吳垂楊深處有人家盧綸

郡城以園勝康熙間有八家花園所謂八座名園如畫卷
是也下園在小金山後卽八園之一舊有王漁洋聯云梅
花嶺畔三山月寄市樓頭一草堂半園亦在小金山後用
竹籬圍大樹數十株廳事頗曰柳暗花明村舍方西疇聯
云洗桐拭竹倪元鎮較雨量晴膚子西

蜀岡之東自乾隆二十二年開蓮花埂新河兩岸皆樹名
園北岸有奇峰刻白塔晴雲四字前有高屋三間名曰桂

嶼嶼後爲花南水北之堂室右爲積翠軒堂聯云別業臨

青甸

李嶼

前軒枕大河

許運

軒聯云疊石通溪水

許運

當軒暗綠

筠

劉筠

其前爲半青閣聯云絕見早春鶯出谷

韋莊

更逢晴日

柳含烟

蘇頌

園中植芍藥處名爲芍廳廳後於石隙種蘭名爲蘭渚渚上築室三間聯云名園依綠水

杜甫

仙塔儼雲莊

馬懷書

過此

竹勢始大有小室在竹中爲蒼筤館

聯云竹高鳴翡翠

杜甫

溪暖戲鷓鴣

劉長卿

春夏之交草木際天中有屋數椽爲林香草堂聯云歌繞

夜梁珠宛轉

羅隱

山連河水碧氤氳

陳上美

堂之西有小亭爲

歸雲別館聯云小院迴廊春寂寂

杜甫

碧桃紅杏水潺潺

許渾

亭之左爲望春樓樓前有圓池池前高屋五楹器臺一方

金碧丹青陸離照曜額云小李將軍畫木爲王澍書聯云

萬井核盤疑繡畫

張九齡

千家山郭靜朝暉

杜甫

自望春樓入夾河中有高屋數十間爲花潭竹嶼聯云天

上碧桃和露種

高蟾

門前荷葉與橋齊

張萬頃

其右爲靜香書

屋聯云飛塔雲霄半

劉蕡

憲竹樹中

李頃

再進卽如意門中

有清妍堂聯云露氣暗連青杜苑

李商隱

春風新長紫蘭芽

白居易

居

堂之後爲詩王居有集杜聯云山月映石室春星帶

草堂

又有閒風堂聯云紅桃綠柳垂簷向王碧石青苔滿

樹陰

李端

又有碧雲樓聯云烟開翠幌清風曉浦花壓闌干

春晝長

溫庭筠

菜竹軒居蜀岡之麓結竹爲之四圍皆竹蓋仿王元之竹

樓遺意

聯云

竹動踝影蘆花明綺陌春

王維

竹外爲藤花

榭長里許中

許中

爲藤花書屋聯云雲遮日影藤蘿合

韓翊

風帶

潮聲枕簟涼

許中

書屋之北爲清遠堂聯云窗含遠色通書

幌

李賀

雲帶東風洗畫屏

許中

微波峽在兩山中波路夾轉東山構微波館聯云川源通

霽色

皇甫冉

楊柳散和風

韋應物

蜀岡之西由法海橋內河出口爲扇面廳廳後有石門通

舍珠堂聯云野香襲荷芰

皎然

池色似瀟湘許池長十餘丈

與新河僅隔一隄池上爲環翠樓聯云冉冉修篁依戶牖

包何曉曉初日照樓臺

薛逢

池高於河隄上築花籬爲疏櫺間

之使水氣相通上置方屋爲玲瓏花界聯云花柳舍丹日

宋之問

樓臺繞曲池

盧照鄰

熙春臺在新河曲處與蓮花橋相

對聯云碧瓦朱甍照城郭

杜甫

淺黃輕綠映樓臺

劉禹錫

上

層額曰五雲多處聯云百尺金梯倚銀漢
李廣九天鈞樂奏
雲韶王臺後卽爲廿四橋矣

三賢祠卽篠園乾隆乙亥園就圮盧雅雨與程午橋葺而治之祀歐陽文忠公蘇文忠公及國朝王文簡公復建仰止樓以夕陽雙寺外春水五塘西舊聯懸之顧南原謫吉隸書也又有蘇亭額爲鄭板橋書盧雅雨自製聯云良辰盡爲官忙得一刻餘閒好誦史繙經別開生面傳舍原非我有但兩番視事也栽花種竹權當家園按今之翠霞軒卽三賢祠舊殿先是祠建於康熙間本祀韓魏公及歐

陽公太守刁公王公蘇文忠公於平山堂之真賞樓以
國朝司理王文簡公太守金公刑部汪公爲配後居民有
祀歐蘇二公及司理王公三賢之請其時胡庶子潤督學
江南爲文簡門士遂有是議至盧雅雨始行之而諸賢從
祀後地歸汪姓人稱爲汪園又撤三賢神主於桃花巷以
殿爲園中廳事今桃花巷之神主又經更易非其舊矣

桃花巷之後爲飛霞樓聯云四野綠雲籠稼穡杜荀鶴九春

風景足林泉薛稷樓之左爲見悟堂聯云花藥繞方丈常建清流湧坐隅元樓之後爲桐軒是軒本祀歐蘇王三賢神主

盧雅雨聯云一代兩文忠到處風流標勝蹟三賢同俎豆
何人尙友似先生又鄭板橋聯云遺韻滿江淮三家一律
愛才如性命異世同心其旁植牡丹百本構翠霞軒聯云
日映文章霞細麗元山張屏障綠參差白居易

蜀岡朝旭李氏別墅也中有來春堂聯云一片彩霞迎旭
日楊巨源萬條金線帶春烟施肩吾其東爲曠如亭亭外水中
有雙流舫聯云重簷交密樹王勃隔岸上春潮江清過此爲高
詠樓本蘇文忠公題西江月處周以垂柳羃憇避暑最宜
樓後築屋十餘楹如弓字一曰含青室聯云日交當戶樹

蘇頌花繞傍池山

祖詠

一曰眺聽烟霞軒聯云松排山面千重

翠

白居易

曰較人間一倍長

陸龜蒙

一曰承露軒聯云池塘月

撼芙蓉浪

方干

千羅綺晴嬌綠水洲

孟浩然

一曰青桂山房聯云

從此不知蘭麝貴

裴思謙

相期共鬪管絃來

孟浩然

萬松疊翠在微波峽西一名吳園廳事後多桂又築桂露

山房聯云迴風入座飄歌扇

李邕

冷露無聲溼桂花

王建前有

小屋三間顏曰春流書舫聯云仙屏傍巖萼

皮日休

小檻俯

澄鮮

張又

清陰堂聯云風生北渚烟波闊

權德興

雨歇南樓

積翠來

李澄

清陰堂之左爲曠觀樓凡十二間如弓字聯云

烟直青無際

周伯琦

溪山盡不如

杜牧

又涵清閣聯云雲林頗

重艷

賈

池館亦清閒

易

王

西㟁矮屋比楠名爲倉房

聯云厥成千箱在

薛存

芳華二

月初

趙岐

其前爲報豐祠

聯云息壤報嘉瑞

顏延年

膏澤多

豐年

曹植

祠外戲臺聯云原道齊色

皇甫冉

簫鼓賽田神

王維

杏花村舍中

有落蕊方

聯云金屋瑤筐開寶勝

崔日川

小橋

曹

流水接平沙

劉兼

其西爲分箔方

聯云樹影悠悠花悄悄

唐

羅衫葉葉繡重重

王

蜀岡諸山之水宣洩歸河大起樓南以池分之千絲萬縷

五色陸離皆從此出謂之練池池之東爲染色房聯云染

就江南春水色

白居易

結成羅帳連心花

青

池之西爲練絲

房經絲房聯云禊縠疏羅共薄

孟浩然

又聽機梭聯云繡戶夜攢紅燭市

韋莊

雅線絲聲隔竹籬

然開

項斯

對岸有鑿雪亭聯云楊柳風來湖未落

趙嘏

梧桐葉下鴈初飛

杜牧

蜀岡下陂池爲得勝湖程氏種荷處築水樓三楹額曰芰

荷深處聯云山翠萬重當檻出

許逢

自蓮千朵照廊明

薛又

有遠帆亭聯云稼收平野闊

杜牧

風正一帆懸

王維

亭旁有臺

集許渾句爲聯云朱閣尊涼疏雨過遠山雲晚翠光來

蜀岡中東兩峰之間有潔布築聽泉樓聯云風生碧澗魚

龍躍

曹松

月照青山松柏香

盧仝

縹緲閣在石隙中聯云碧樹

鎖金谷

柳宗元

遙天倚翠岑

韓偓

旁有露香亭聯云澤蘭侵小

徑

王勃

流水響空山

法振

余過廣陵游蜀岡甚草草所有榜聯皆未暇省記祇從盡
舫錄中擇其尤雅者按地編列其盡舫錄所未及載者惟
平山堂伊墨卿太守一聯云過江諸山到此堂下太守之
宴與眾賓歡語特壯偉至今不忘時墨卿正守揚州也近

閔桃符綴語又載一聯云幾堆江上畫圖山繁華自昔試
看奢如大業令人訕笑令人悲涼應有些逸興雅懷縱領
得廿四橋頭簫聲月色一派竹西歌吹路傳誦於今必須
才似廬陵方可遨遊方可嘯詠切莫把穠花濁酒便當本
一翁後餘韻流風稍覺詞費矣

揚州有文選巷其南爲文選樓考古者以爲卽曹憲之故
宅憲與魏模公孫羅等同注文選樓卽其故址也今樓中
但奉昭明栗主實誤昭明文選樓之不在揚州觀唐人李
頤送皇甫曾游襄陽詩云元凱春秋傳昭明文選樓之句

可見阮芸臺先生於文選巷之西建家廟又別構樓以藏圖書額曰附文選樓爲之記伊翠卿題一聯云七錄舊家宗塾六朝古巷選樓

揚州永濟寺有詩僧題聯云江水滔滔洗盡千秋人物看
閒雲野鶴萬念都空說甚麼晉代衣冠吳宮花草天風浩
浩吹開大地塵氣倚片石危欄一關獨閉更何須故人祿

米鄰舍園蔬

歲秋槎葉欄詩話載揚州某氏園戲臺對聯云坐客爲誰聽二分明月簫聲依稀杜牧主人休問有一管春風詞筆

點綴揚州然則此賢主人也惜不著其名下竹辰都轉云
記得是江都貢生李澄所撰

海州之雲臺山卽山海經之郁洲余以理蝗經山下而未
暇登陟陶雲汀官保按部朐陽陟其巔撰聯語極壯麗云
海甸湧名山烟復雲回位業真靈參五嶽洞天開福地陽
舒陰晉繫香瑞應啓三元又題山中關帝廟聯云義氣干
霄近指白雲間覺路威聲走海遙憑赤手挽洪流又題九
龍將軍廟云倚樹論功名爽賴流聲清潤壑在田占利用
甘膏灑潤普桑麻按山中舊有常建極題聯云世外憑臨

一函峰巒三面海雲中結構二分人力八分天

陶宮保云其鄉資江南峽裴公亭有郭頑石題聯云代表
公稱一日主人風月江山與此老平分千古到石上間三
生舊跡宰官仙佛想當年定許重來

福州鼓山喝水峴之側削壁深澗中有磨厓大字一聯云
爵比郭令公懋中書二十四考壽同廣成子住崆峒千三
百年字勢雄偉每字高寬將及二尺余嘗搨得一紙竟無
懸挂之處按吳炯五總志云李義山嘗詠溫飛卿曰近得
一聯遠比邵公三十六年宰輔未得偶但溫應聲曰何不

云近同郭令二十四考中書記得宋人亦以二十四考中書令對萬八千戶冠軍侯爲巧此則以神仙對富貴語更闊大矣

福州鼓山之湧泉寺建自唐時蔚然名刹而楹聯多彼氏家言茲錄其稍雅者如山門彌勒座聯云日日攜空布袋少米無錢却剩得大肚寬腸不知眾檀越信心時用何物供養年年坐冷山門接張待李總見他歡天喜地請問這頭陀得意處是甚麼來由法堂聯云於一毫端現寶王刹坐微塵裏轉大法輪齋堂聯云五夜工夫鐵脊梁將勤補

抑一時粥飯金剛始易食難消

福州小西湖東偏開化寺倚城臨水擅湖塲之勝_{古莘田}
先生集句聯云桑柘幾家湖上社芙蓉十里水邊城最爲
雅切自然

余嘗再游武夷山循厯寺觀而未得一佳聯惟天游峰前
之一覽臺楹柱有遺世獨立與天爲徒一聯頗與現景相
稱又小桃源徑口有石門兩旁鐫一集句聯云喜無樵子
復看弈怕有漁郎來問津皆忘却何人所撰隨園詩話載
一覽臺柱有毛大周聯云世間有石皆奴僕天下無山

可弟兄則未之見也

邵武郡城中詩話樓祀嚴滄浪先生嚴木邵產也朱幼之
郡丞景英聯云千秋大雅扶輪手一片寒泉薦菊心葉筠
潭學使聯云百代詩材歸品藻千秋傑閣傍溪山皆隱昉
然不若朱竹君先生筠一聯云隱釣風分七里瀨品詩意
到六朝人雅切其姓且老氣紛披也